

Dragi učenice i studente, veoma je važno da znaš...

Dezinficiraj obuću prilikom ulaska u školu. Dez-barijere nemoj zaobilaziti, preskakati, izbjegavati, ali prilikom stajanja u ove dez-barijere budi oprezan.

Odmah nakon ulaska u školu operi ruke sapunom i vodom i izvrši dezinfekciju ruku. Ukoliko u tvojoj učionici postoji tekuća voda, ruke operi tamo jer ćeš na taj način izbjeći gužvu. Za sušenje ruku koristi maramice za jednokratnu upotrebu koje trebaš odbaciti u kantu za otpad. Potom dezinficiraj ruke. Sredstvo za dezinfekciju nanesi na suhe i čiste dlanove, te trljaj dlanove i između prstiju dok se ne osuše, a sredstvo ne trebaš ispirati. Pranje i dezinfekciju ruku provodi nakon kihanja, kašljanja, plača, jela, obavezno prije i nakon korištenja toaleta.

Održavaj udaljenost od drugih osoba koliko god možeš

Učenici prvog razreda osnovne škole nosit će vizire. Stariji učenici i studenti treba da nose maske konstantno. Nošenje rukavica nije preporučljivo.

Privremeno je dozvoljeno da skineš zaštitnu masku u sljedećim situacijama:

- kada se baviš sportskim i fizičkim aktivnostima,
- na časovima muzičke kulture prilikom pjevanja,
- ukoliko nošenje zaštitne maske ugrožava ili narušava tvoje zdravstveno stanje (ukoliko imaš neko oboljenje koje nije COVID-19, ukoliko imaš alergijsku reakciju, i sl.),
- kada konzumiraš jelo i piće,
- ukoliko postoje barijere poput preksiglas,
- na časovima b/h/s jezika i književnosti, prilikom usvajanja drugog pisma i stranog jezika.

Izbjegavaj prolazak kroz zajedničke prostorije i skrati na minimum, te ne dodiruju površine i predmete.

Za vrijeme odmora ne napuštaj svoju učionicu i ne izlazi u školsko dvorište.

U torbi treba da imaš minimalnu količinu stvari koje su neophodne, te svoju opremu i pribor ne dijeli s drugima. Donošenje igračaka i suvišne hrane izbjegavaj, osim redovnog obroka kojeg bi trebalo da donosiš od kuće.

Starije učenike i studente molimo da budu odgovorni i izmjere temperaturu kod kuće, te vrijednosti upišu za to namijenjenu svesku. Ukoliko imaš temperaturu ne dolazi u školu nego se javi telefonom razredniku i svojoj ambulanti.

Izvan škole svi smo dužni da se pridržavamo pravila kojima se smanjuje mogućnost zaraze – maska, fizička distanca, pranje i dezinfekcija ruku.

